

Broj:06-03-765-16/20/09
Mostar, 22.01.2010. godine

Na osnovu člana 14, člana 29. i člana 70. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stava (2), člana 37. stava (4) i člana 47. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 75. stava (1) i stava (3) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 17. Pravilnika za izdavanje dozvola-licenci („Službene novine Federacije BiH“ broj 29/05), postupajući po Zahtjevu za izdavanje prethodne dozvole za izgradnju proizvodnog objekta vjetroelektrane „Moštre 1“ broj 06-03-765/20/09 od 29.07.2009. godine podnosioca „SUŠA-COMMERCE“ d.o.o. Visoko, Regulatorna komisija za električnu energiju u Federaciji Bosne i Hercegovine - FERK je dana 22.01.2010. godine na I redovnoj sjednici donijela slijedeće

RJEŠENJE

1. Izdaje se Prethodna dozvola za izgradnju proizvodnog objekta vjetroelektrane VE „Moštre 1“ podnosiocu zahtjeva „SUŠA-COMMERCE“ d.o.o. Visoko.
2. Prethodna dozvola za izgradnju se izdaje na period od 22.01.2010. godine do 21.01.2011. godine, s uslovima Prethodne dozvole koji čine njen sastavni dio.
3. Sastavni dio ovog rješenja čini Prethodna dozvola iz tačke 1. i 2. ovog rješenja.
4. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

FERK je dana 29.07.2009. godine primio od strane podnosioca „SUŠA-COMMERCE“ d.o.o. Visoko Zahtjev za izdavanje prethodne dozvole za izgradnju proizvodnog objekta vjetroelektrane VE „Moštre 1“ upisan pod brojem 06-03-765/20/09.

Prilikom pregleda kompletnosti podnesenog zahtjeva, u skladu sa članom 39. Pravilnika o javnim raspravama i rješavanju zahtjeva i žalbi FERK-a, FERK je utvrdio da podneseni zahtjev nije kompletan u smislu člana 36. stava (2) i stava (3) Pravilnika za izdavanje dozvola-licenci. Zbog navedenog, FERK je postupajući u skladu sa članom 40. Pravilnika o javnim raspravama i rješavanju zahtjeva i žalbi FERK-a dostavio podnosiocu zahtjeva Obavještenje o nedostacima podnesenog Zahtjeva za izdavanje prethodne dozvole za izgradnju proizvodnog objekta broj 06-03-765-01/20/09 od 31.08.2009. godine, te mu

odredio rok radi otklanjanja u Obavještenju naznačenih nedostataka i upozorio ga na posljedicu propuštanja.

Postupajući po Obavještenju, podnosilac zahtjeva je dostavio 09.09.2009. godine Dopis primljen u FERK pod brojem 06-03-765-02/20/09, te Dopis primljen u FERK dana 10.09.2009. godine pod brojem 06-03-765-03/20/09, uz koje je dostavio dio tražene dokumentacije, kao i obrazloženje vezano za istu.

U cilju prikupljanja svih potrebnih informacija i dokumentacije, FERK je podnosiocu zahtjeva uputio 17.09.2009. godine Zahtjev za informacijama broj 06-03-765-04/20/09, a u povodu kojeg je isti dostavio dio dokumentaciju uz Dopis primljen u FERK 28.09.2009. godine pod brojem 06-03-765-05/20/09. Zbog navedenog, FERK je ponovo podnosiocu zahtjeva uputio 07.10.2009. godine Zahtjev za informacijama broj 06-03-765-06/20/09, a u povodu kojeg je isti dostavio traženu dokumentaciju uz Dopis primljen u FERK 20.10.2009. godine pod brojem 06-03-765-07/20/09, kao i obrazloženje vezano za istu.

Postupajući u skladu sa članom 11. Pravilnika za izdavanje dozvola-licenci, FERK je dana 09.11.2009. godine u „Dnevnom listu“ i „Dnevnom avazu“, kao i na svojoj web stranici objavio Obavještenje za javnost o podnesenom Zahtjevu za izdavanje prethodne dozvole za izgradnju proizvodnog objekta vjetroelektrane VE „Moštre 1“ podnosioca zahtjeva „SUŠA-COMMERCE“ d.o.o. Visoko. Povodom Obavještenja za javnost, FERK do roka naznačenog u Obavještenju odnosno do 24.11.2009. godine, nije primio pisane komentare zainteresovanih lica na podneseni zahtjev, kao ni zahtjev za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 77. stavom (2) Pravilnika o javnim raspravama i rješavanju zahtjeva i žalbi FERK-a, obavjestio podnosioca zahtjeva o svojoj namjeri provođenja postupka izdavanja prethodne dozvole bez održavanja formalne rasprave, putem Obavještenja broj 06-03-765-10/20/09 od 30.11.2009. godine, kojom je istom data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva nije iznio nove činjenice u vezi s predmetom postupka, te nije uputio druge komentare FERK-u.

Na osnovu provedenog postupka, tokom kojeg je izvršena pažljiva analiza svih činjenica i podnijetih dokaza na osnovu kojih se moglo utvrditi stanje stvari, FERK je u skladu sa članom 16. stavom (1) Pravilnika za izdavanje dozvola-licenci pripremio nacrt Prethodne dozvole za izgradnju proizvodnog objekta vjetroelektrane VE „Moštre 1“ po Zahtjevu broj 06-03-765/20/09 od 29.07.2009. godine, podnosioca „SUŠA-COMMERCE“ d.o.o. Visoko. Na osnovu člana 79. stava (2) Zakona o električnoj energiji, FERK je Odlukom broj 06-03-765-11/20/09 od 16.12.2009. godine usvojio nacrt Prethodne dozvole za izgradnju proizvodnog objekta vjetroelektrane VE „Moštre 1“, dok je Odlukom FERK-a broj 06-03-765-12/20/09 od 16.12.2009. godine ovaj nacrt upućen u proces javne rasprave, te je određeno mjesto i vrijeme održavanja opće rasprave o predmetnom nacrtu Prethodne

dozvole za izgradnju proizvodnog objekta, imenovan voditelj postupka, kao i da zainteresovana lica svoje usmene komentare na nacrt Prethodne dozvole za izgradnju proizvodnog objekta mogu dati na općoj raspravi koja je održana 11.01.2010. godine u 11:00 sati, u zgradi Općine Visoko, a pisane komentare dostaviti na adresu FERK-a, kao i putem elektronske adrese do 13.01.2010. godine do 12:00 sati.

Općoj raspravi o nacrtu Prethodne dozvole za izgradnju proizvodnog objekta vjetroelektrane VE „Moštre 1“, prisustvovali su predstavnici podnosioca zahtjeva i predstavnici RTV Visoko. Predstavnici podnosioca zahtjeva su istakli da su pročitali predloženi Nacrt prethodne dozvole za izgradnju i da mogu ispuniti sve uslove navedene u prethodnoj dozvoli. Isto tako, dodali su da su od JP Elektroprivreda BiH d.d.- Sarajevo primili novu Prethodnu elektroenergetska saglasnost po kojoj je omogućeno da mogu proizvoditi električnu energiju i za vlastite potrebe te da bi iz tog razloga trebalo prilagoditi tačku 4.8. Nakon ove izjave, voditelj postupka je zatražio, budući da se radi o novim okolnostima koji se tiču priključenja na elektrodistributivnu mrežu i novih uslova isporuke proizvedene električne energije u elektrodistributivni sistem, da se nova Prethodna elektroenergetska saglasnost dostavi na uvid FERK-u kako bi se ista analizirala.

Do ostavljenog roka za dostavu pisanih komentara, odnosno do 13.01.2010. godine, do 12:00 sati, u FERK je primljena prethodna Elektroenergetska saglasnost a pisanih komentara na nacrt Prethodne dozvole za izgradnju proizvodnog objekta vjetroelektrane VE „Moštre 1“ nije bilo.

U skladu sa članom 16. Pravilnika o javnim raspravama i rješavanju zahtjeva i žalbi FERK-a, a na osnovu održane opće rasprave, voditelj postupka pripremio je pisani izvještaj uz sažetak komentara na raspravi i dao preporuku za donošenje odluke, te je iste uputio podnosiocu zahtjeva 14.01.2010. godine pod brojem 04-06-66/10.

Podnosilac zahtjeva je povodom navedenog FERK-u dostavio 18.01.2010. godine Dopis primljen u FERK pod brojem 06-03-765-14/20/09, u kojem je naveo da nema primjedbi na izvještaj voditelja opće javne rasprave o Nacrtu Prethodne dozvole za izgradnju proizvodnog objekta vjetroelektrane VE „Moštre 1“ i u istom obavještava FERK da odustaje od zahtjeva za izmjenu člana 4.8. i prihvata da član 4.8. glasi „ Proizvodnja električne energije isporučivat će se u distributivni sistem JP Elektroprivreda BiH d.d. Sarajevo“.

Izvještaj voditelja postupka sa komentarima podnosioca zahtjeva dostavljen je na razmatranje FERK-u dana 20.01.2010. godine pod internim brojem 06-08-111/10, a prije njegovog konačnog odlučivanja na redovitoj sjednici.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a:
Zdenko Šimunović s.r.